



DEO OPTIMO MAX.

UNI ET TRINO,

VIRGINI DEI-PARÆ, ET S. LUCAE,  
Orthodoxorum Medicorum Patrono.



QUÆSTIO MEDICO-CHIRURGICA,\*  
QUOD LIBETARIIS DISPUTATIONIBUS,  
*manè discutienda in Scholis Medicorum, die Martis octavâ  
mensis Martij, anno Domini M. DCC. LXXIV.*

PRÆSIDE,

M. GEDEON DE RABOURS, Doctore Medico.

*An simplicia pulmonum vulnera, acie facta, solis diatâ &  
venæ sectione sanantur?*

I.

**P**ULMO præcipuum corporis nostri organum,  
velut machinæ libramentum spectetur. Vitiato  
ipsius motu, vitatur & cordis motus, vitatur  
sanguinis circulatio, vitantur functiones omnes.  
Ipsi insitum vulnus sin lethale, saltem periculosissimum. Im-

\* Auctore M. ADET.

possibilis externa curatio. Elegantioribus digitis non datur aditus. Irrita sunt cujuscunque generis topica. Inutilis ipsorum-met Chirurgicorum Parisiensium per totam europam jure & meritò celebrata dexteritas, non manu, non oculo, sed consilio opus est.

## I I

**Q**UÆ instrumentis secantibus insiguntur vulnera, periculi minus portendunt, ac quæ causam habent catapultam, sclopetumve quodlibet. Ubi nulla adest partium dilaceratio, ubi nulla substantiæ deperditio, exulat jam suppuratio: id unum intendat Medicus, ut citam coagmentationem obtineat, solutumque adunet. Licet structa sit divinitus pulmonum substantia; licet aptissimi sint pulmones subeundo muneri ipsis ab autore deo imposito; iisdem tamen quoad essentiam, partibus constant, ac molles corporis partes; membranis videlicet quæ venas & arterias utriusque generis, demumque nervos obvolvunt. Ergone, si secti sint, peculiarem sibi curationem expostulant?

## I I I

**P**ARTIUM coagmentatio opus naturæ & arcanum. Munere suo fungi nusquam recusat benigna illa mater; qui ipsam à proposito deterreant, si qui sint, removendi tantum obices. Hos inter præcipui eminent plethora, inflammatio, dyspnæa, tussis importuna, febris, spirituum

3

animalium motus, irâ vel timore perturbatus, succorum crassities & acrimonia. Quæras ergo quibus auxiliis solidorum quieti possis consulere; humorum effervescentiam compescere, spirituum animalium motus sedare, fluida emendare. In promptu sunt venæ sectio & diætâ.

#### I V

**V**ENÆ sectione deplentur vasa, parciorem sanguinis copiam propellunt cor & arteriæ, minorem experiuntur renixum, minor itaque parietum distensio, evanescit, si quis adest, erethismus, relaxantur fibræ, ad sese invicem accedunt, ipsarum quâcumque acie sectæ junguntur extremitates, & naturâ duce conglutinantur. Diætæ nomine, non omnium intelligas alimentorum abstinentiam, quin imò; sed ea feligas quæ simul medicamenta sunt & alimenta. Sint diluentia levia, lenientia; his tùm solidorum, tùm fluidorum compescitur motus, spiritus animales sedantur, edulcorantur sanguis & lympa, denique obtinetur gluten ad partium coagmentationem necessarium.

#### V

**M**ITTAS ergo thecam aperire; abstine à specillo, nunc quid prodest? Perniciosum est curiositatis instrumentum. In thoracem si fluxerit sanguis, præscribatûr empyema, vel dilatetur externum vulnus; alioquin illud penicillo obfera, ne penetret aër. Habitâ virium & symp-

tomatum ratione, iterum & sæpius celebrentur venæ sectiones, eas si comitetur diæta, punctum Archimedis attigisti, nec te pudeat. Conquerantur ignara plebs mulierculæ exhaustas ægrotantis vires, fufumque largâ manu cruorem; sine ipsas vociferari, age: quisque suam exercere debet artem.

*Ergò simplicia pulmonum vulnera, acie facta, solis diætâ & venæ sectione sanantur.*

### DOMINI DOCTORES DISPUTATURI.

M. Antonius Joannes Bapt. Maclovius GUENET, Chirurgiæ Professor Latino idiomate.

M. Paulus Gabriel LEPREUX.

M. Ludovicus Claudius GUILBERT, rei herbariæ Professor designatus, & Societate Medicâ Edinburgensi, antiquus Regis exercituum Medicus ordinarius.

M. Edmundus Claudius BOURRU, Bibliot. Facult. Præf..

M. Joannes Anton. ELIE DE LA POTERIE, Antiquus Regis in Portu Breslensi Medicus, necnon Militarum regni Nosocomiorum Inspector.

M. Joannes Jacobus GARDANE, censor regius & Regiæ Scientiarum Societatis Monspeliensis, necnon Regiarum Academicarum Natcei & Massiliæ Socius.

M. Gulielmus Josephus DE L'EPINE, Antiquus Facultatis Decanus.

M. Nicolaus LE ROY DE S. AIGNAN, Eques.

M. Ludovicus Claudius BOURDELIN, Antiquior Scholarum Magister, Antiquus Facultatis Decanus, Regiæ Scientiarum Academicæ Regiæque Societatis Berolinensis Socius, in Horto, Regio Chimie Professor & Galliarum Principum Medicus Primarius.

Proponebat Parisiis JOANNES-CAROLUS DE BROTONNE, Laudunensis; Doctor Medicus Remus, necnon Saluberrimæ Facultatis Medicinæ Parisiensis Baccalaureus. A. R. S. H. 1774. à sexta ad meridiem.

Typis QUILLAU, Saluberrimæ Facultatis Medicinæ Typographi.